



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐ  
ՀՐԱՄԱՆ

17-Ա/2

19 հունվարի 2017 թ.

**2017 ԹՎԱԿԱՆԻ (ՓԵՏՐՎԱՐ - ՄԱՐՏ ՔՆՆԱՇՐՋԱՆԻ)՝ ԴՐՍԵԿՈՒԹՅԱՆ ՁԵՎՈՎ (ԷՔՍՏԵՌՆ) ԱՎԱՐՏԱԿԱՆ ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ԱՇԽԱՏԱԿԱՐԳԸ ԵՎ ԺԱՄԱՆԱԿԱՑՈՒՅՑԸ ՀԱՍՏԱՏԵԼՈՒ ՄԱՍԻՆ**

Ղեկավարվելով Հայաստանի Հանրապետության կրթության և գիտության նախարարի 2010 թվականի հոկտեմբերի 14-ի N 1507-Ն հրամանով հաստատված՝ «Դրսեկության ձևով (էքստեռն) փոխադրական և ավարտական քննություններ կազմակերպելու կարգի» 20-րդ կետի և 23-րդ կետի 1-ին ենթակետի պահանջներով՝

**Հ Ր Ա Մ Ա Յ ՈՒ Մ Ե Մ՝**

1. Հաստատել <<2017 թվականի (փետրվար - մարտ քննաշրջանի)՝ դրսեկության ձևով (էքստեռն) ավարտական քննությունների կազմակերպման և անցկացման աշխատակարգը և ժամանակացույցը>>:
2. 2017 թվականի բոլոր քննաշրջանների համար դրսեկության ձևով (էքստեռն) ավարտական քննություններ անցկացնելու իրավունքը վերապահել Հայաստանի Հանրապետության կրթության և գիտության նախարարության «Երևանի Խ. Դաշտենցի անվան թիվ 114 ավագ դպրոց» պետական ոչ առևտրային կազմակերպությանը:
3. Քննություններն անցկացնել 2017 թվականի փետրվարի 15-ից մինչև մարտի 15-ը ներառյալ՝ համաձայն աշխատակարգի (Հավելված 1) և ժամանակացույցի (Հավելված 2):

4. Հրամանի կատարման ապահովումը հանձնարարել նախարարության աշխատակազմի հանրակրթության վարչության պետին:
5. Հրամանի կատարման հսկողությունը վերապահել ՀՀ կրթության և գիտության նախարարին:



**ԼԵՎՈՆ ՄԿՐՏՉԱՆ**

**2017 ԹՎԱԿԱՆԻ՝ ԴՐՍԵԿՈՒԹՅԱՆ ՁԵՎՈՎ (ԷՔՍԵՌՆ) ԱՎԱՐՏԱԿԱՆ  
ՔՆՆՈՒԹՅՈՒՆՆԵՐԻ ԿԱԶՄԱԿԵՐՊՄԱՆ ԵՎ ԱՆՑԿԱՑՄԱՆ ԱՇԽԱՏԱԿԱՐԳԸ  
(ՓԵՏՐՎԱՐ - ՄԱՐՏ ՔՆՆԱՇՐՁԱՆ)**

1. Հիմնական կրթության վկայական ստանալու համար դրսեկները 2017 թվականի փետրվար – մարտ քննաշրջանի ընթացքում «Համաշխարհային պատմություն», «Հայաստանի աշխարհագրություն», «Աշխարհագրություն», «Ֆիզիկա», «Քիմիա», «Կենսաբանություն» և «Օտար լեզու» (անգլերեն, ֆրանսերեն, գերմաներեն կամ ռուսերեն) առարկաների քննությունները հանձնում են գրավոր:

1) Քննական թեստերը կազմում է Հայաստանի Հանրապետության կառավարության աշխատակազմի գնահատման և թեստավորման կենտրոնը (այսուհետ՝ ԳԹԿ)՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:

2) «Հայոց եկեղեցու պատմություն», «Հասարակագիտություն», «Ինֆորմատիկա», «Տեխնոլոգիա», «ՆԶՊ և անվտանգ կենսագործունեություն» և «Ռուս գրականություն» (ռուսերենով ուսուցում ստացած դրսեկների համար) առարկաների քննությունները հանձնում են բանավոր: «Ֆիզկուլտուրա» առարկայի քննության անցկացման եղանակը նորմատիվների հանձնումն է: Քննական հարցատոմսերը կազմում են էքստենսիվ քննություններ ընդունող դպրոցի (այսուհետ՝ Դպրոց) համապատասխան մեթոդական միավորումները՝ առնվազն 10 հարցատոմս յուրաքանչյուր առարկայից, գնահատման 10 բալային համակարգով:

2. Միջնակարգ կրթության ատեստատ ստանալու համար դրսեկները 2017 թվականի փետրվար – մարտ քննաշրջանի ընթացքում «Համաշխարհային պատմություն», «Ֆիզիկա», «Քիմիա», «Կենսաբանություն», «Աշխարհագրություն», և Օտար լեզու (անգլերեն, ֆրանսերեն, գերմաներեն կամ ռուսերեն) առարկաների քննությունները հանձնում են գրավոր:

1) Քննական թեստերը կազմում է Հայաստանի Հանրապետության կառավարության աշխատակազմի գնահատման և թեստավորման կենտրոնը՝ առնվազն 4 թեստ յուրաքանչյուր առարկայից՝ գնահատման 20 բալային համակարգով:

2) «Հայոց եկեղեցու պատմություն», «Հասարակագիտություն», «Ինֆորմատիկա», «ՆԶՊ և անվտանգ կենսագործունեություն» և «Ռուս գրականություն» (ռուսերենով ուսուցում ստացած դրսեկների համար) առարկաների քննությունները հանձնում են բանավոր: «Ֆիզկուլտուրա» առարկայի քննության անցկացման եղանակը նորմատիվների հանձնումն է: Քննական հարցատոմսերը կազմում են Դպրոցի համապատասխան մեթոդական միավորումները՝ առնվազն 10 հարցատոմս յուրաքանչյուր առարկայից՝ գնահատման 10 բալային համակարգով:

3. Դրսեկության ձևով (ավարտական՝ ուսումնական պլաններով նախատեսված առարկաներից) քննությունները դրսեկները հանձնում են համաձայն հավելված 2-ի:

4. Հարցատոմսերով կազմակերպվող բանավոր քննությունների անցկացման ժամանակ յուրաքանչյուր դրսեկ վիճակահանությամբ ստանում է առանձին առաջադրանք (հարցատոմս): Դրսեկը, բանավոր քննություններին նախապատրաստվելիս կարող է կատարել գրավոր համառոտագրում:

Դրսեկության ձևով քննությունների արձանագրությունները և գրավոր աշխատանքները պահպանվում են Դպրոցում, ավարտական փաստաթղթերը ստանալուց հետո՝ մեկ տարի:

5. Հիմնական կրթության վկայականում և միջնակարգ կրթության ատեստատում ավարտական և պետական ավարտական քննական առարկաները գնահատվում են 20 բալային համակարգով, իսկ տարեկան գնահատականները նշանակվում են՝ 20 բալային համակարգից գնահատականները վերածելով 10 բալային համակարգի:

Բանավոր քննությունները գնահատվում են 10 բալային համակարգով և համարվում են տարեկան գնահատականներ:

6. Գնահատականները գրանցելիս գնահատման 20 բալային համակարգից 10 բալային համակարգին անցման համապատասխանությունը կատարվում է համաձայն հետևյալ սանդղակի՝

|                  |                |
|------------------|----------------|
| 8-9 միավոր– 4    | 16-17 միավոր–8 |
| 10-11 միավոր– 5  | 18-19 միավոր-9 |
| 12-13 միավոր– 6  | 20 միավոր-10   |
| 14-15 միավոր – 7 |                |

7. Դրսեկոյթյան ձևով (էքստեռն) ավարտական քննոյթոյնները կազմակերպելու և անցկացնելու գործընթացը վերահսկվում է Հայաստանի Հանրապետոյթյան կրթոյթյան և գիտոյթյան նախարարոյթյան կողմից:

Դրսեկոյթյան ձևով (էքստեռն) ավարտական քննոյթոյնները կազմակերպվում են «Դրսեկոյթյան ձևով (էքստեռն) փոխադրական և ավարտական քննոյթոյններ կազմակերպելու» կարգի և սույն աշխատակարգի պահանջների համաձայն:

**Հիմնական կրթության վկայական ստանալու համար քննությունների  
կազմակերպման ժամանակացույց**

**(փետրվար-մարտ քննաշրջան)**

|     | Առարկա   | քննության<br>անցկացման<br>եղանակը | քննությունների<br>անցկացման<br>օրերը |
|-----|--|-----------------------------------|--------------------------------------|
| 1.  | Ֆիզկուլտուրա   | նորմատիվների<br>հանձնում          | 15.02.2017թ.                         |
| 2.  | Հայոց եկեղեցու պատմություն   | բանավոր                           | 17.02.2017թ.                         |
| 3.  | ՆՁՊ և անվտանգ<br>կենսագործունեություն                                      | բանավոր                           | 20.02.2017թ.                         |
| 4.  | Հասարակագիտություն   | բանավոր                           | 21.02.2017թ.                         |
| 5.  | Ինֆորմատիկա  | բանավոր                           | 23.02.2017թ.                         |
| 6.  | Հայաստանի աշխարհագրություն   | գրավոր                            | 24.02.2017թ.                         |
| 7.  | Համաշխարհային պատմություն  | գրավոր                            | 27.02.2017թ.                         |
| 8.  | Տեխնոլոգիա   | բանավոր                           | 01.03.2017թ.                         |
| 9.  | Ֆիզիկա   | գրավոր                            | 03.03.2017թ.                         |
| 10. | Քիմիա  | գրավոր                            | 06.03.2017թ.                         |
| 11. | Օտար լեզու (անգլերեն, ֆրանսերեն,<br>գերմաներեն կամ ռուսերեն)               | գրավոր                            | 07.03.2017թ.                         |
| 12. | Աշխարհագրություն   | գրավոր                            | 10.03.2017թ.                         |
| 13. | Կենսաբանություն  | գրավոր                            | 13.03.2017թ.                         |
| 14. | <<Ռուս գրականություն>><br>(ռուսերենով ուսուցում ստացած<br>դրսեկների համար) | բանավոր                           | 15.03.2017թ.                         |

\*Քննությունների սկիզբը ժամը 11:00-ին:

**Միջնակարգ կրթության արեստրատ սրանալու համար քննությունների  
կազմակերպման ժամանակացույց**

**(փետրվար - մարտ քննաշրջան)**

|     | Առարկա   | քննության<br>անցկացման<br>եղանակը | քննությունների<br>անցկացման<br>օրերը |
|-----|--|-----------------------------------|--------------------------------------|
| 1.  | Ֆիզկուլտուրա   | նորմատիվների<br>հանձնում          | 15.02.2017թ.                         |
| 2.  | Հայոց եկեղեցու պատմություն   | բանավոր                           | 17.02.2017թ.                         |
| 3.  | ՆՁՊ և անվտանգ<br>կենսագործունեություն                                      | բանավոր                           | 20.02.2017թ.                         |
| 4.  | Հասարակագիտություն   | բանավոր                           | 21.02.2017թ.                         |
| 5.  | Ինֆորմատիկա  | բանավոր                           | 23.02.2017թ.                         |
| 6.  | Համաշխարհային պատմություն  | գրավոր                            | 27.02.2017թ.                         |
| 7.  | Ռուսաց լեզու և գրակ. կամ ռուսերեն  | գրավոր                            | 01.03.2017թ.                         |
| 8.  | Ֆիզիկա   | գրավոր                            | 03.03.2017թ.                         |
| 9.  | Քիմիա  | գրավոր                            | 06.03.2017թ.                         |
| 10. | Օտար լեզու (անգլերեն, ֆրանսերեն,<br>գերմաներեն)                            | գրավոր                            | 07.03.2017թ.                         |
| 11. | Կենսաբանություն  | գրավոր                            | 10.03.2017թ.                         |
| 12. | Աշխարհագրություն   | գրավոր                            | 13.03.2017թ.                         |
| 13. | <<Ռուս գրականություն>><br>(ռուսերենով ուսուցում ստացած<br>դրսեկների համար) | բանավոր                           | 15.03.2017թ.                         |

\*Քննությունների սկիզբը ժամը 11:00-ին: